



PERBENDAHARAAN NEGERI SELANGOR
SELANGOR STATE TREASURY
Tingkat 2, 8-12
Bangunan Sultan Salahuddin Abdul Aziz Shah
40592 SHAH ALAM
SELANGOR DARUL EHSAN
MALAYSIA

No. Tel : 603-5544 7000
No. Faks : 603-5510 6255 (YB. PWN)
603-5544 7297 (TPWN)
603-5512 1054 (BN)
603-5521 2533 (BKP)
Laman Web : <http://pwn.selangor.gov.my>
E-mel : pwn_helpdesk@selangor.gov.my



Ruj Kami : PWN.SEL.600-5/3/6 (10)
Tarikh : 9 Ramadhan 1443H
11 April 2022

SEMUA KETUA JABATAN NEGERI
SEMUA KETUA PUSAT TANGGUNGJAWAB NEGERI

YB Dato' / YBhg. Dato' / YAA Dato' / SS. Dato' / Tuan / Puan

ARAHAN OPERASI BENDAHARI NEGERI SELANGOR BILANGAN 3 TAHUN 2022: PELAKSANAAN PEMBAYARAN BANTUAN KHAS KEWANGAN SEMPENA HARI RAYA AIDILFITRI 1443H TAHUN 2022 "INSENTIF RAHMAH RAMADAN" PENTADBIRAN SETIAUSAHA KERAJAAN NEGERI SELANGOR

Dengan hormatnya saya merujuk kepada perkara di atas.


2. Dimaklumkan bahawa selari dengan keputusan Majlis Mesyuarat Kerajaan Negeri (MMKN) Ke-8/2022 yang diadakan pada 30 Mac 2022 yang telah disahkan oleh MMKN ke-9/2022 pada 6 April 2022 bersetuju untuk meluluskan pemberian Bantuan Khas Kewangan (BKK) Sempena Hari Raya Aidilfitri 1443H Tahun 2022 - Insentif Rahmah Ramadan sebanyak satu (1) bulan gaji, minimum RM1,000.00 kepada semua pegawai yang sedang berkhidmat di Pentadbiran Kerajaan Negeri Selangor. **Tarikh pembayaran adalah pada 27 April 2022 (Rabu).**

3. Sehubungan itu, Surat Arahkan Operasi ini adalah bertujuan memaklumkan persediaan pembayaran pemberian BKK kepada anggota yang layak di Jabatan/Pusat Tanggungjawab (PTJ) masing-masing. Bersama-sama ini disertakan arahan berkaitan pembayaran pemberian BKK tersebut seperti di Lampiran untuk rujukan dan tindakan selanjutnya.

Sekian, terima kasih.

"SELANGOR MAJU BERSAMA"
"BERKHIDMAT UNTUK NEGARA"

Saya yang menjalankan amanah,


(DR. SHAHRIL BAHARIM) C.A(M),FCMA,CGMA
Bendahari Negeri
Selangor Darul Ehsan



CERTIFIED TO ISO 9001 : 2015
CERT. NO. : QMS 00760

ARAHAN OPERASI BENDAHARI NEGERI SELANGOR BILANGAN 3 TAHUN 2022: PELAKSANAAN PEMBAYARAN BANTUAN KHAS KEWANGAN SEMPERA HARI RAYA AIDILFITRI 1443H TAHUN 2022 “INSENTIF RAHMAH RAMADAN” PENTADBIRAN SETIAUSAHA KERAJAAN NEGERI SELANGOR

1. Pembayaran Bantuan Khas Kewangan (BKK) ini perlu dilaksanakan berdasarkan Garis Panduan Pembayaran Bantuan Khas Kewangan Sempena Hari Raya Aidilfitri 1443H Tahun 2022 “Insentif Rahmah Ramadan” Pentadbiran Setiausaha Kerajaan Negeri Selangor yang dikeluarkan oleh Pejabat Setiausaha Kerajaan, Negeri Selangor Darul Ehsan.
2. Pembayaran Bantuan Khas Kewangan (BKK) ini perlu dilaksanakan oleh Jabatan/PTJ mengikut langkah-langkah seperti berikut bagi pembayaran melalui sistem gaji berkomputer:

- 2.1. Cetak laporan G004 (Senarai Edit Pembayaran Bonus) melalui skrin Laporan.
- 2.2. Kemaskini laporan G004 berkenaan dengan memotong nama pegawai yang tidak layak dan pindaan apa-apa amaun yang perlu dilaraskan mengikut kelayakan pegawai sepertimana Garis Panduan Pemberian Bantuan Khas Kewangan, Pentadbiran Setiausaha Kerajaan Negeri Selangor.
- 2.3. Jabatan/PTJ dikehendaki mengedit maklumat di laporan ke dalam sistem iSPEKS. Bagi kakitangan yang tidak layak hendaklah **DIBATALKAN**. Penyedia dan Penyemak di Jabatan/PTJ hendaklah memastikan tiada nama yang tertinggal untuk mengelakkan proses seterusnya gagal dilakukan.
- 2.4. Laporan yang telah dikemaskini seperti arahan di Para 2.2 hendaklah disahkan oleh Ketua Jabatan seperti kenyataan berikut dan dihantar ke Unit Emolumen, Pejabat Bendahari Negeri Selangor.

“Disahkan bahawa semua maklumat dan pembetulan yang di buat adalah betul dan tepat. Jabatan/PTJ ini bertanggungjawab untuk mendapatkan semula apa-apa bayaran balik sekiranya didapati terdapat bayaran terlebih dilakukan”.

.....
(Tandatangan & Cop Jabatan)

3. Semua Jabatan/PTJ hendaklah memastikan tindakan di atas dibuat dan laporan yang telah disemak dan disahkan di hantar ke Unit Emolumen, Pejabat Bendahari Negeri selewat-lewatnya pada **14 April 2022 (Khamis) sebelum jam 12.00 tengahari**.

ARAHAN OPERASI BENDAHARI NEGERI SELANGOR BILANGAN 3 TAHUN 2022: PELAKSANAAN PEMBAYARAN BANTUAN KHAS KEWANGAN SEMPENA HARI RAYA AIDILFITRI 1443H TAHUN 2022 PENTADBIRAN SETIAUSAHA KERAJAAN NEGERI SELANGOR

4. Bagi pembayaran secara Baucar Bayaran Berasingan, penyata pengiraan bayaran serta dokumen lain berkaitan hendaklah disertakan sebagai dokumen sokongan bersama baucar bayaran tersebut.

Penyediaan Baucar Bayaran Berasingan iSPEKS hendaklah disediakan mulai 21 April 2022. **Tarikh Jabatan/PTJ meluluskan baucar tersebut ditetapkan mulai 25 April 2022.**

Perihal bayaran: **BKK 1/2022**

Bagi bayaran yang menggunakan Dana Akaun Amanah, perlu nyatakan Kod Dana (cth: LXXX) di ruangan No. Rujukan di Maklumat Daftar Bil, Arahkan Pembayaran.

5. Bagi tujuan mengelakkan kecaciran atau kelewatan dalam pembayaran Bantuan Khas Kewangan kepada pegawai yang telah bertukar keluar dan masih dalam Pentadbiran Kerajaan Negeri Selangor dan gajinya masih dibayar di Jabatan/PTJ lama pada pembayaran gaji bulan Mac, bayaran Bantuan Khas Kewangan hendaklah dibayar oleh Jabatan/PTJ lama berdasarkan kelayakan seperti yang di nyatakan dalam Garis Panduan berkenaan. Seterusnya Jabatan/PTJ lama adalah bertanggungjawab untuk memaklumkan kepada Jabatan/PTJ baru akan pembayaran Bantuan Khas Kewangan yang telah dibuat.
6. Jabatan/PTJ hendaklah memastikan kakitangan yang tidak layak dikeluarkan dari senarai pembayaran. Proses penahanan pembayaran Bantuan Khas Kewangan di bank tidak akan dilaksanakan.
7. Sebarang pelarasan pembayaran yang sewajarnya jika perlu, hendaklah dibuat oleh Jabatan/PTJ dalam tahun 2022.